

fraterna; ut tibi ex profectu aliorum merces ad crescat meritorum. Ideo saepius desideravi exhortatorias dilectionis vestrae litteras. Sed nescio, quae causa vel me rapuit ex mente tua, vel te ab exhortatione cessare compulit<sup>a</sup>. Beatus, qui loquitur in aurem audientem<sup>b</sup><sup>1</sup>: utinam omnes tali<sup>c</sup> te desiderio audirent, sicut ego unanimes<sup>d</sup> tuus. 799  
 5 Vel castigatus scribe, ut vindices te, quia rogatus noluisti, ut confortares me. Iul. 10.  
 Valet in pace perpetuae<sup>e</sup> beatitudinis, fili<sup>f</sup>, frater, amice. Eccli. 25, 12.

## 176.

*Alcvinus Adalhardo abbati Corbeiensi respondet se cum visitare non potuisse; eumque ad se venire vult.* 799 Iul. 10.

Cod. H fol. 95'—96.

10 Edd. F 232, J 117. — Migne col. 466.

ANTONIO<sup>2</sup> PAULUS.

Venerunt mihi litterae sexto Idus Quintilis<sup>3</sup> ad Uicos<sup>4</sup> gaudio plenae: de meo et de tuo et de non termino<sup>5</sup>, quae in me usque modo manserunt et mansura erunt, credo. Licet durissime passus essem praesentiam absentiae et absentiam praesentiae, de visitatione vero fraterna<sup>6</sup> saepius volvi secundum oportunitatem itineris, sed secunda in pronomine persona<sup>7</sup> optime novit, unde remansit<sup>8</sup>. Immo necdum agnosco, quomodo fieri possit hoc. Scito, quod litterae tantummodo non sufficiunt ad meum et tuum — quia haec sunt, quae mundum destruunt<sup>9</sup> — si non aderunt ego et tu. Huc usque tres litterae<sup>10</sup> in tristitia fuerunt, duobus<sup>11</sup> hoc facientibus. Sed septem<sup>12</sup> omnia sufferunt, donec sex<sup>13</sup> et octo<sup>14</sup> simul gaudeant et septem<sup>12</sup> stent in loco suo<sup>15</sup>. Quia a senarii numeri perfectione<sup>16</sup> per septenarii gratiam<sup>17</sup> ad octonarii beatitudinem<sup>18</sup> ascenditur. Et fiat unitas primi<sup>19</sup> et extremi<sup>20</sup> per medietatem<sup>21</sup>; quia cuncta in creaturis tribus istis terminis ad unitatem perveniunt. Et si tolluntur de medio<sup>22</sup> unum, de ultimo<sup>23</sup> duo, erunt tres termini aequales<sup>24</sup>, mirabiles in perfectione omnium creaturarum, quae a tribus personis in unitatem potestatis conditae sunt. Iul. 10.

Haec legens intellegat, et laudet subtilissime largitorem sapientiae, et vivat in eo feliciter.

a) compulit T\*. b) aure audientis T\*. c) tale H. d) unanimes T\* us in loco raso.  
 e) perpetue post corr. -tue T\*. f) fili carissime T\*.

- 30 1) Cf. *Praecepta vivendi* v. 56 (*Poet. Carol. I*, 277): Felix qui causam loquitur prudentis in aurem.  
 2) Cf. supra p. 290 n. 1. 3) die 10. Iulii. 4) s. Cuentawich (hodie Wicquinghem sur la rive gauche de la Canche); de cuius situ cf. supra p. 66 n. 5, Jaffé Bibl. III, 444 n. 3, Rozière Recueil des formules I, 46, III, 316. 5) his verbis se ad eum venire non potuisse dicere videtur. 6) de accessu ad Adalhardum in coenobium Corbeiense. J. 7) tu. 8) V. supra p. 290 l. 20: sed prohibuit me Romanus comes  
 35 ingrato tempore (febris). 9) Pseudo-Seneca de morib. 98 (Orelli opusc. Graecor. p. 274): Quietissimam vitam agerent homines in terris, si duo haec verba e natura rerum tollerentur: meum et tuum. 10) ego. 11) duabus litteris: te. 12) septem litterae: Albinus (= Alcvinus). 13) sex litterae: Paulus (= Alcvinus). J. 14) octo litterae: Antonius (= Adalhardus). J. 15) Cupit igitur Alcvinus, ut Adalhardus ad se accedat. J. 16) senario numero perfectio attribuitur, propterea quod diebus sex  
 40 Deus mundum perfecit, cf. supra p. 124. 200 n. 6. 17) numerus septenarius gratiam habet propter sancti Spiritus gratiam septiformem; cf. p. 124; Jaffé Bibl. IV, 375. 18) numero octonario beatitudinem tribuit propter octo beatitudines a Christo prolatis in oratione de monte habita, cf. p. 123. 200. 19) Antonii, cuius nomen in inscriptione huius epistolae prius positum est. J. 20) Pauli, posterioris in epistolae inscriptione. J. 21) numerum septenarium. 22) septenario. 23) octonario.  
 45 24) scil. senarii.